

01 JUL 2000

MT: SHAHIDAN AKAN TERUSKAN PROGRAM MANTAPKAN PARTI

KANGAR, 1 Julai (Bernama) -- Menteri Besar Datuk Seri Shahidan Kassim yang dilantik semula sebagai Pengerusi Badan Perhubungan Umno Perlis berazam meneruskan program memantapkan kekuatan parti.

Beliau yang turut dilantik anggota Majlis Tertinggi (MT) Umno berkata pelantikan itu sebagai kepercayaan yang diletakkan Datuk Seri Dr Mahathir Mohamad kepadanya.

"Saya tidak pernah menduga akan dilantik .. ia adalah hak presiden Umno," katanya semasa menghubungi wakil-wakil media di sini hari ini.

Shahidan kini berada di Sepanyol bagi menghadiri persidangan World Liaison Recreation Action (WLTA).

Beliau merupakan seorang daripada dua menteri besar dan seorang ketua menteri yang disenaraikan dalam 10 anggota Umno yang dilantik dan diumumkan semalam.

Seorang lagi Menteri Besar yang dilantik ialah Datuk Abdul Ghani Othman Johor dan Ketua Menteri Sabah Datuk Seri Osu Sukam. Kedua-dua mereka juga diumumkan menerajui Badan Perhubungan Umno negeri masing-masing.

-- BERNAMA

AD RON